

Transkription von Urkunde MGD 1453f

Ort, Datierung: Magdeburg, 1453-04-12

Signatur: Stadtarchiv Zerbst, II, 53

Inhalt: Rat der Stadt Magdeburg: Schöffenbrief (Anklage)

Vnnsern fruntliken dinst thuuoer(e)n Ersamen leuen frunde So gi vns auer vpp vnsze schriffte Andreas Gerwýsch . / Juwem(e) borger(e) anliggende v(m)me sodann(e) heringk , den Peter Meyer vnnse burger(e) óme gesand hefft vorantwerde hebben / geschreuen , dat de gn(a)nte Juwe borger(e) sodanen haringk vor nýen haringk kofft , So de Junge Gerwýsch vor Juwer leue / des schole bekant hebbin , hebbin wy to gudermaten vornomen (etc.) vnnd ok sodans dem gnanten peter vnsem burger / thuuoerstahinde ggeuen , de vns darupp bericht , hefft , dat sodanen haringk den he óme gesandt hebbe , nýe vn(n)d olt haringk / gewesin v(n)nd ýo kopmans weringe gewest sý vnnd sodanen haringk de Juwe(n) ýowelken bisundern noch sýner werde vorkofft / hebbe , vnd were óm gantz swerlik dat de Juwe von deszwegin nóde offte schaden lýden schólde , ok leuen frunde sýnt / wý von Jtliken prelaten býnnen vnsir Stad des gnanten vnsers bórgers gude gu(n)ner nemliken dem wirdigen vnd Erhafftige(n) / her(e)n h(er)n Johann(e) Rússingk deken der kerken sunthe nicolawesze vp dem Nýen markede gebeden , von deszwegin an Juwe leue / thuschriuen vnd flitigen thuuorbidden , dat sodans móchte by gelecht werden , wuru(m)me bidden wý so wý flitigist mógen / also ehir , gi willen dem gnanten , Juwem borger(e) sodaner anclage von deswegen v(m)me vnsir bede willen vorlaten vppe / dat de gnante vnse Borger(e) von dem Juwem v(m)me soda(n)nes vort vnbededinget vn(n)d vngemóget móge blyuen , darann(e) dho / gý vns bisunder(e)n tho danke vnd wý vordýnent Jnflite gerne , Mochte dat auer , ýo nicht gesýn Bidden wý gi willen eýn / sodans fredeliken vn(n)d gütliken laten anstahin So lange wante gi vnd wý des rades by enander(e) thosprake komen . / darvth denne vorhandelinghe thuhebbinde so dat men des to eýner gruntliken wýsze móchte komen des Juwe richtige / antwerde , Geschreuen am donredage na Quasunodogeniti vnder , vnsir , Stat Secret(um) Anno domi(ni) (etc.) I tercio /

Radmann(e) vnnde Jnnigismeister(e) / Der alden Stad Magdeburgk /